

Séquence I

Texte 1

5 Ita Numitori Albana re permissa, Romulum
Remumque cupido cepit in iis locis ubi expositi ubique
educati erant urbis condendae. Interventit deinde his
cogitationibus avitum malum, regni cupido, atque inde
foedum certamen coortum a satis miti principio.
Quoniam, cum gemini essent, nec aetatis verecundia
discrimen facere posset, ut di quorum tutelae ea loca
essent auguriis legerent qui nomen novae urbi daret,
qui conditam imperio regeret, Palatium Romulus,
10 Remus Aventinum ad inaugurandum templa capiunt.

15 Priori Remo augurium venisse fertur, sex
vultures ; jamque nuntiato augurio cum duplex
numerus Romulo se ostendisset, utrumque regem sua
multitudo consulaverat : tempore illi praecepto, at hi
numero avium regnum trahebant. Inde cum
altercatione congressi certamine irarum ad caedem
vertuntur ; ibi in turba ictus Remus cecidit. Volgatior
fama est ludibrio fratris Remum novos transiluisse
muros ; inde ab irato Romulo, cum verbis quoque
20 increpitans adjecisset : « Sic deinde, quicumque alius
transiliet moenia mea ! », interfectum. Ita solus
potitus imperio Romulus ; condita urbs conditoris
nomine appellata.

TITE-LIVE, *Histoire romaine*, I, 6 - 7
(*Ab urbe condita libri*, vers 25 av. J.-C.)